

Bosna i Hercegovina
Federacija Bosne i Hercegovine
Kanton Središnja Bosna-Srednjobosanski Kanton
KANTONALNO TUŽILAŠTVO/ TUŽITELJSTVO
TRAVNIK
Broj: T06 0 KT 0036461 24
Travnik, 30.09.2025.godine

OPĆINSKI SUD TRAVNIK
-Sucu za prethodno saslušanje-

Na temelju odredbe člana 45. stav 2. tačka i.) člana 241. stav 1. Zakona o kaznenom postupku Federacije Bosne i Hercegovine, p o d i ž e m:

O P T U Ž N I C U

Potvrđena dana 06.10.2025. godine

Protiv:
ALDIJANA NIKŠIĆ,

Što je:

Točka 1).

Tokom 2010. i 2011. godine, na području Srednjobosanskog kantona, izradila lažnu javnu ispravu i istu upotrijebila kao pravu, tako što je na njoj poznat način, uz pomoć tehničkih sredstava izradila diplomu Pravnog fakulteta Univerziteta u Zenici o završenom I ciklusu studija i stečenom zvanju diplomirani pravnik na ime Skopljak Aldijana broj 137. izdatu dana 16.10.2010. godine, gdje je prilikom izrade u odnosu na zakonito stečene Diplome tog Pravnog fakulteta Univerziteta u Zenici, izradila Diplomu sa nedostacima i greškama pa tako u zaglavlju izrađene lažne diplome nije navela riječi „Federacija BiH“, potom u izreci izostavila riječ „Univerzitet“ te nepravilno navela da je stekla „znanje „, umjesto „zvanje“, a zatim u donjem lijevom uglu broja diplome upisala ručno broj 1 pored brojeva 37, svjesna da je izradila lažnu diplomu, iako nije stekla zvane diplomiranog pravnika na navedenom fakultetu, i htjela to, da bi potom prilikom prijave na Javni natječaj raspisan u Agenciji za državnu službu Federacije Bosne i Hercegovine, predala u prilogu prijave lažnu diplomu, iako svjesna da upotrebljava lažnu diplomu, i htjela to, na osnovu koje lažne diplome je potom zasnovala pripravnički staž u Kantonalnom sudu u Novom Travniku po Rješenju broj *** od 25.03.2011.godine, iako nije imala propisanu stručnu spremu, a što je utvrđeno aktom Pravnog fakulteta Univerziteta u Zenici broj *** od 08.07.2020.godine gdje navedena diploma nikada nije izdata od strane tog fakulteta, te da se osumnjičena Aldijana (Skopljak) Nikšić ispisala sa Pravnog fakulteta dana 24.10.2013.godine.

Dakle, izradila lažnu javnu ispravu s ciljem da takvu ispravu upotrijebi kao pravu i istu lažnu javnu ispravu upotrijebila kao pravu.

Točka 2.

U vremenskom periodu od 21.09.2012.godine pa do 20.11.2012.godine na području općine Novi Travnik, lažnu javnu ispravu upotrijebila kao pravu, na način da je već ranije krivotvorenu i lažnu diplomu Pravnog fakulteta Univerziteta u Zenici o završenom I ciklusu studija i stečenom zvanju diplomirani pravnik na ime Skopljak Aldijana broj 137. izdatu dana 16.10.2010. godine, upotrijebila kao pravu, iako svjesna da se radi o lažnoj javnoj ispravi, i htjela to, na način da je istu predala prilikom prijave na Javni natječaj raspisan u Agenciji za državnu službu Federacije BiH dana 21.09.2012.godine za mjesto državni službenik- sudski stručni suradnik, u Kantonalnom sudu u Novom Travniku, na osnovu koje je potom zasnovala radni odnos na navedeno mjesto u Kantonalnom sudu u Novom Travniku po Rješenju broj *** od 20.11.2012.godine, iako nije imala propisanu stručnu spremu.

Dakle, lažnu javnu ispravu upotrijebila kao pravu.

Točka 3.

Tokom 2023. godine na području općine Novi Travnik, lažnu javnu ispravu upotrijebila kao pravu, na način da je u prilog prijave na Javni natječaj za prijem u radni odnos na mjesto državni službenik- sudski stručni suradnik u Kantonalnom sudu u Novom Travniku, Agenciji za državnu službu Federacije BiH predala krivotvorenu i lažnu diplomu Pravnog fakulteta Univerziteta u Zenici o završenom I ciklusu studija i stečenom zvanju diplomirani pravnik na ime Skopljak Aldijana broj 137. izdatu dana 16.10.2010. godine, upotrijebila kao pravu, predala lažnu javnu ispravu- diplomu Pravnog fakulteta Univerziteta u Zenici broj 137. sa danom izdavanja 16.10.2010.godine kao pravu, svjesna da se radi o lažnoj javnoj ispravi, i htjela to, i na taj način Rješenjem Kantonalnog suda Novi Travnik broj *** od 31.10.2023.godine postavljena na radno mjesto sudski stručni suradnik, na neodređeno vrijeme, iako nije imala propisanu stručnu spremu.

Dakle, lažnu javnu ispravu upotrijebila kao pravu.

Točka 4.

U vremenskom periodu od 30.12.2020.godine do 18.01.2021.godine na području općine Novi Travnik, izradila i upotrijebila lažnu ispravu, tako što je na njoj poznat način koristeći tehnička sredstva, izradila lažni Akt Pravnog fakulteta Univerziteta u Zenici broj 08-408-105-0618/20 od 30.12.2020.godine kojim se utvrđuje da je za Aldijanu Skopljak navodno izdata diploma br:137., i takav akt u ime Pravnog fakulteta Univerziteta u Zenici dostavila institucijama Kantonalnom sudu Novi Travnik koji je zaprimljen dana 14.01.2021.godine kao i Inspektoratu Ministarstva obrazovanja SBK/KSB i Vladi SBK/KSB, svjesna da je izradila i da upotrebljava lažnu ispravu, i htjela to, za koji akt je utvrđeno da nije izdat od Pravnog fakulteta Univerziteta u Zenici, te da je pod datumom izdavanja zaveden drugi dopis i da podaci iz akta ne odgovaraju stvarnom stanju, nakon čega je od strane Kantonalnog suda u Novom Travniku dana 20.01.2021.godine Kantonalnom tužiteljstvu SBK uz dopis broj 060 Su 013500 19 Su od 18.01.2021.godine dostavljen navedeni akt Kantonalnom tužiteljstvu SBK na broj T06 0 KTA 0028422 21 gdje je potom od strane

tužiteljstva dana 23.02.2021.godine donesena naredba o neprovođenju istrage protiv prijavljene Aldijane Nikšić.

Dakle, izradila lažnu ispravu s ciljem da takvu ispravu upotrijebi kao pravu i lažnu ispravu upotrijebila kao pravu.

Točka 5.

Dana 29.11.2024.godine radeći kao sudski stručni suradnik u Kantonalnom u sudu Novi Travnik, na području općine Novi Travnik, bez znanja predsjednika Kantonalnog suda u Novom Travniku Davora Kelava koji je bio službeno odsutan, sačinila lažnu ispravu s ciljem da je upotrijebi kao pravu, tako da je na njoj poznat način putem tehničkih sredstava sačinila dopis -informaciju u ime predsjednika Kantonalnog suda Novi Travnik Davora Kelava broj *** od 29.11.2024.godine, u kojem je navedeno da navedena institucija odustaje od traženja i dostave provjere podataka za Aldijanu Nikšić te da se informacija broj: *** od 26.11.2024.godine, stavlja van snage, te je takvu lažnu ispravu upotrijebila kao pravu, na način da je, iako je bila svjesna da taj akt nije sačinjen i potpisan od strane predsjednika Kantonalnog suda u Novom Travniku, i htjela to, navedeni dopis dostavila Pravnom fakultetu Univerziteta u Zenici i studentskoj službi fakulteta.

Dakle, izradila lažnu ispravu s ciljem da takvu ispravu upotrijebi kao pravu i lažnu ispravu upotrijebila kao pravu.

Točka 6.

Dana 16. i 17.01.2025. godine na području grada Zenice i općine Travnik, izradila lažnu javnu ispravu s ciljem da takvu ispravu upotrijebi kao pravu i upotrijebila lažnu javnu ispravu, tako što je na njoj poznat način sačinila lažnu obavijest o vjerodostojnosti isprave, revidirani podaci- navodno dostavljani sa Pravnog fakulteta u Zenici broj: 09-566-100-6542/25 od 16.01.2025.godine sa lažnim priložima u kopiji, u kojem se navodi da je Aldijani Skopljak dana 06.10.2010.godine izdata Diploma Pravnog fakulteta Univerziteta u Zenici broj 137. vjerodostojna, a zatim tako sačinjenu lažnu ispravu predala na u JP BH pošta d.o.o. u Zenici 17.01.2025.godine koja je dostavljena Kantonalnom tužiteljstvu Srednjobosanskog kantona dana 20.01.2025.godine na spis broj T06 0 KT 0036461 24 i drugim institucijama, iako svjesna da se radi o lažnoj ispravi i da takav akt uopće nije bio dostavljen od strane Pravnog fakulteta Univerziteta u Zenici, i htjela to, nakon čega je prethodno naveden akt uložen u spis tužiteljstva.

Dakle, izradila lažnu ispravu s ciljem da takvu ispravu upotrijebi kao pravu i lažnu ispravu upotrijebila kao pravu.

Čime je počinila tri kaznena djela Krivotvorenje isprave iz članka 373. stav 2. u vezi sa stavom 1. KZ FBiH, a sve u vezi sa članom 54. istog Zakona (opisano po tačkom 1.,2. i 3.) u sticaju sa tri kaznena djela Krivotvorenje isprave iz članka 373. stav 1. KZ FBiH (opisano po tačkom 4.,5. i 6.), a sve u vezi sa članom 54. istog Zakona.

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom